

Das ärgz mitt disen fünf gezeugen / so auß den schächten gezogen / oder auß den stollen gefürt / fürendt die Bergkleut eintweders ab dem gebirgk / oder ziehends darab / oder werffendts herab. Die vnserē aber thündt dises in ein pauch trog / welchen sie auff ein schlitten legē / den das pferdt zeuhet / den wynter werfffen sie es von dem gebirg das nicht hoch ist / vnd fürendts also hinweg / die kern dter aber thündt dise zii wyntter zeit in ledern säcke / deren legen sie zwen oder drey auff ein schlitten / der zii vorderst höher ist / dahinden nideriger / auff diesel sacken sitzet ein geherzter kern dter / mitt grosser gefar seins lebens / vnd regiert den schlittē / der von dem bergk ins thal hinab lauffett / mitt einem stecken / den er in der handt treget / dan wān der schlitten / zii schnell herab lauffett / hempt er in mitt dem stecken / oder so er sich anderswo hinauß / dan er sol / gewandt hat / bringt er in mitt dem selbigen stecklin widerumb in rechtenn weg. Aber ettliche Beyerchen / zwüschē dem fluß Jhn vnd dem Calenbergk gelegen / samlen dise ding des wyntters zeit in seck auß seuroposten gmachett / vnnnd fürendts von dem höchsten gebirgk / welchs die pferdt / maul esel / vnd esel nicht ersteigen mögēdt / hinab. Wen nuhn die seck lähr seindt / tragedt sie starcke soum hundert / dar zii gwānnet / dz gebirg widerüb hinauff: die selbigē mitt ärgz gfüllt / vñ mit bänden zii samen gezogen / vñ an ein seill gebundē / zuecht ein man / das seil vñ sich gebunden / oder vmb den arm / allso durch den schnee / söliche seck herunder / bis an das ort / welchs die pferdt / maul esel / vnnnd soum esel ersteigen mögēdt. Da wirt das ärgz auß dē sauropostigē secken auffgericht / in andere seck gworffen / die auß zwilch oder trilch gmachett seindt / welche auff den soum settlen der thieren / so zum tragen vnd zum ziehen gwānnet seindt / in die steiger hütten gfürt werden / in welchen die bergk art eintweders gwāschen oder gschmelzt wirt.

Ein schlitte A. Ein schleiff darauff seck gelegt seindt B. Knebell C. Hundt denen soumsettell auffgelegt werden D. Postige sauropostigē seck an das seil gebunden E.



Wān